

IV EUSKARAZKO EZTABAIDA TXAPELKETA

ARAUTEGIA

1. SARRERA

Hurrengo oinarriak, eztabaida txapelketaren garapenean, orokorrean, jarraitu beharrekoak izango dira. Ezinezkoa da erregelamendu batek, lehiaketa batean eman daitezkeen gorabehera guztiak aurreikustea, beraz, egoera hauetan, arbitroak testu honetan zehaztutako arauak jarraitu beharko ditu eta egoera zehatz bakoitzari aplikatu. Dena den, bere iritzia eta analogia izango dira tresna nagusiak.

2. EZTABAIDAREN PARTAIDEAK

Hurrengoak izango dira eztabaidaren partaideak:

- 1- Aldeko eta Aurkako taldeak
- 2- Arbitroa
- 3- Epaimahaia
- 4- Ikusleak

Taldeak, gutxienez hiru pertsonakoak eta gehienez 5 pertsonakoak izango dira. Beraien artean taldeko buru bat izendatuko da eta, honek, arbitroaren eta epaimahaiaren aurrean taldearen ordezkapena izango du. Eta honek parte hartu ahalko du ahozko txandetan.

Arbitroak, eztabaida moderatuko du, txandak kronometratuko ditu eta ezingo da inoiz epaimahaiaren parte izan, nahiz eta hauei deliberazioetan aholku eman ahal dien.

Epaimahaiaren parte hartu ahal duten epaileen kopurua ez dago zehaztuta. Antolaketa taldeak, eztabaida erabakigarrietan, hala nola azken faseetan, gutxienez hiru epaile lortu beharko ditu.

Ikusleak, isiltasunean egon beharko dira eztabaida hasten den unetik honen bukaera arte. Fase guztiak publikoak izango dira eta arazorik gabe sartu ahalko dira gelara. Honen jende edukiera izango da muga bakarra.

3. ESKUHARTZEAK

Esku hartzeak Euskaraz egingo dira.

Esku hartzeak zutik egingo dira

Esku hartzeak txandaka egingo dira eta denbora jakin batean, jarraian zehazten den moduan:

Aurkezpena Aldeko Taldea. 3 minutu

Aurkezpena Aurkako Taldea. 3 minutu

1. Ezeztatzea Aldeko Taldea. 4 minutu
1. Ezeztatzea Aurkako Taldea. 4 minutu
2. Ezeztatzea Aldeko Taldea. 4 minutu
2. Ezeztatzea Aurkako Taldea. 4 minutu

Ondorioak Aurkako Taldea. 3 minutu

Ondorioak Aldeko Taldea. 3 minutu

Aldeko Taldeak baiezko erantzuna ematen dio eztabaidaren galderari.
Aurkako taldeak ezezko erantzuna ematen dio eztabaidaren galderari.

Esku hartze bakoitzean pertsona batek bakarrik hartuko du parte. Hau identifikatuta geldituko da zutik jartzen den momentutik.

4. INTERPELAZIOAK

Onartzen da, ezeztatze txandak dirauen bitartean, beste taldeko kideek hitza duen taldeari interpelazioak egitea. Interpelazioa eskua altxatuz eskatuko da, eta, jarraian hitza duenak erabakiko du eskaera onartzen duen, atzeratzen duen, edo, kontrara, onartzen ez duen.

Ezeztatzean, babestutako denbora bat dago, ezeztapen txandaren lehen eta azken minutuak, hain zuzen ere. Momentu hauetan ez da galderarik onartuko. Esan bezala, hitza duenak erabakiko du galdera onartzen duen ala ez, eta ezetz erabakiz gero, ez da galdera ez eratzuntzat bezala aktan jasoko.

Interpelazioek ezingo dute 15 segundo baino gehiago iraun.

Interpelazioak, galderak, xehetasunak edo argibideak izango dira; ezingo dira inoiz erabili norberaren argudioak garatzeko.

5. EZTABAIDAREN HASIERA

Eztabaida, arbitroak taldeen buruak deitzen dituen unean hasiko da. Jarraian, beharrezkoak diren argibideak eman ahalko ditu eta gaia eta talde bakoitzari dagokion jarrera zehazten dituen bozketari ekingo dio.

Talderen bat eztabaidan agertzen ez bada edo justifikazio arrazoirik gabe 10 minutu baino gehiago atzeratzen bada, topaketa galduko du. Horrela, aurkariak, lehiaketaren arauak ematen dituen gehienezko puntuazioa jasoko du.

6. EZTABAIDAREN GARAPENA

Eztabaidak dirauen bitartean, ezingo dute kanpoko inolako laguntzarik jaso eta, beraien artean, idatzizko oharren bitartez bakarrik komunikatu ahalkodira.

Guztiz debekatuta dago eztabaidaren garapenaren bitartean edozelako komunikabideak erabiltzea, elektronikoak bereziki.

7. PUNTUAZIOA

Epaile bakoitzak, hurrengo zerrendan agertzen diren itemak baloratuko ditu eztabaida bakoitzean, eta item bakoitza talde baten edo bestearen alde erabakiko du epaileak. Itema bere alde irabazi duen taldeak item horri dagozkion puntuak (1, 2 edo 3) jasoko ditu, eta beste taldeak batere ez. Aurretik erabakiko da item bakoitzari dagozkion puntu kopurua (1, 2 edo 3)

Irabazlea, puntu gehien lortzen dituen taldea izango da.

Hurrengoak dira kalifikatu beharreko itemak:

1. Argudioen kalitatea
2. Eztabaidatutako gaiaren ikerketa lana
3. Erantzuteko gaitasuna
4. Lekuaren eta denboraren erabilera
5. Taldeko lana
6. Hizkera egokia
7. Iritzi orokorra

Berdinketa emanaz gero, "iritzi orokorra" epigrafean lortutako puntuazioa hartuko da kontuan. Horrela ere berdinketak badirau, epaile nagusiak izango du berdinketa apurtzeko beharrezkoa den kalitatezko botoa.

8. ZEHAPENAK

Eztabaida batean zehar eman daitezkeen arau-haustearin, larriak edo oso larriak izan daitezke:

Arau-haustearinak:

- Txanda bakoitzari eta alderen formulazioari emandako denboran luzatzea.
- Ezeztatze txandan babestutako denbora ez errespetatzea
- eztabaidara atzeratzea

Arau-hauste arinek 3 itemeko zehapena dakarte.

Arau-hauste larriak:

1. Arau-hauste arinak behin eta berriz egitea.
2. Aipamen edo datu faltsuak, edo, guztiz egiazkoak ez direnak ematea.
3. Egokiak ez diren hitzak erabiltzea eztabaidan zehar.
4. komunikabide elektronikoak erabiltzea eztabaidan zehar.

Arau-hauste larriek 6 itemeko zehapena dakarte.

Arau-hauste oso larriak:

1. Arau-hauste larriak behin eta berriz egitea
2. Epaimahaiari, ikusleei edo bestelako partaide bati, bai bere taldekoa edo bestekoa izan, irainak, men ez egiteak, mespretxuak edo gutxiespenak egitea.

Arau-hauste oso larriek topaketa galtzea eta lehiaketatik kanporatzea dakarte.

Zehapenak, ofizioz edo beste taldeak salaturik ezarriko dira bertan momentuan. Datu faltsu baten erreklamazioak aurrera egiten ez badu, arau-hauste larriaren izaera izango du.

9. LEHIAKETA

Lehiaketaren egitura izena emandako talde kopuruaren baldintzapean egongo da. Printzipioz, kopa egiten saiatu beharko da. Horrela, sistema honen bidez, talde bakoitza unibertsitate guztiekin eztabaidatu ahalko du.

Ez da inolako lehiaketa- batzorderik egongo, arbitroaren erabakiak apelaezinak izango dira ondorio guztietarako.

10. DATAK

Lehiaketa irailaren 22an izango da Gasteizen, Eusko Legebiltzarrean

11. LEHIAKETAREN GAIA

Guraso batzuk azken urteetan bere seme-alabak ez txertatzeko erabakia dela eta, gaindituta ziruditen gaixotasun batzuen berragertzea ikusi da. Osasun publikoaren arazoa dela kontsideratu eta mugatu beharko litzateke gurasoek seme-alaben tratamendu medikoa erabakitzeko duen eskubidea?

12. SARIAK:

Lehiaketan parte hartzen duten guztiak jasoko dute UPV/EHUK eta UPNAk eskainitako opari-boltsa.
